


詩醇
五
杜

土岐文庫
文庫17
W64
7



文庫 17
W64
7

御選唐宋詩醇卷之十一

襄陽杜甫詩三

目錄

乾元中寓居同谷縣作歌七首

水會渡

飛仙閣

龍門閣

石櫃閣

桔柏渡

御選唐宋詩醇 卷之十一 杜甫

昭和六十年二月一日贈
土岐善吉唐氏寄

01D185191058

劔門

成都府

石犀行

題壁畫馬歌

戲題畫山水圖歌

題李尊師松樹障子歌

戲為雙松圖歌

病柏

病橘

枯櫟

枯柟

戲作花卿歌

柟樹為風雨所拔歎

茅屋為秋風所破歌

天邊行

苦戰行

述古

觀打魚歌

又觀打魚

越王樓歌

冬到金華山觀因得故拾遺陳公學堂遺跡

通泉驛南去通泉縣十五里山水作

過郭代公故宅

短歌行

桃竹杖引

韋諷錄事宅觀曹將軍畫馬圖

丹青引

發園中

寄韓諫議

憶昔

冬狩行

別唐十五誠因寄禮部賈侍郎

園山歌

園水歌

草堂

太子張舍人遺織成褥段

杜鵑

容堂

水閣朝霽奉簡嚴雲安

蠶穀行

古柏行

縛雞行

牽牛織女

殿中楊監見示張旭草書圖

謀伐木

槐葉冷淘

行官張望補稻畦水歸

上後園山脚

驅豎子摘蒼耳

秋行官張望督促東渚耗稻向畢清晨遣女
奴阿稽豎子阿段往問

御選唐宋詩醇卷之十一
襄陽杜甫詩三
乾元中寓居同谷縣作歌七首
有客有客字子美白頭亂髮垂過耳歲拾橡栗隨
狙公天寒日暮山谷裏中原無書歸不得手脚凍
皸皮肉死嗚呼一歌兮歌已哀悲風為我從天來
舊唐書時穀食踴貴甫寓居成州同谷縣自負
薪拾沿兒女饑殍者數人
長鑿長鑿白木柄我生託子以為命黃獨無苗山



御選唐宋詩醇卷之十一

襄陽杜甫詩三

乾元中寓居同谷縣作歌七首

有客有客字子美白頭亂髮垂過耳歲拾橡栗隨

狙公天寒日暮山谷裏中原無書歸不得手脚凍

皸皮肉死嗚呼一歌兮歌已哀悲風為我從天來

舊唐書時穀食踴貴甫寓居成州同谷縣自負

薪拾沿兒女饑殍者數人

長鑿長鑿白木柄我生託子以為命黃獨無苗山

御選唐宋詩醇

卷十一

杜甫

乾元中寓居同谷縣

一

卷十一之一

作歌七首
 雲盛短衣數挽不掩脛此時與子空歸來男呻女
 吟四壁靜嗚呼二歌兮歌始放鄰里為我色惆悵
 仇兆鰲曰山谷云陳藏器本草載黃獨遇霜雪
 枯無苗蓋蹲鴟之類蔡夢弼引別注云黃獨歲
 饑土人掘以充糧公詩屢用黃精不必作黃獨
 按公詩若太平寺泉眼及丈人山皆為引年而
 發此歌則為救饑而言主黃獨為是
 有弟有弟在遠方三人名瘦何人強生別展轉不
 相見胡塵暗天道路長東飛鴛鴦後鴛鴦安得送

我置汝旁嗚呼三歌兮歌三發汝歸何處收兄骨

趙叟曰公四弟曰顓觀豐占各散在他郡惟占

從公入蜀

有妹有妹在鍾離良人早歿諸孤癡長淮浪高蛟
 龍怒十年不見來何遲扁舟欲往箭滿眼杳杳南
 國多旌旗嗚呼四歌兮歌四奏林猿為我啼清晝
 朱鶴齡曰猿多夜啼今啼清晝極言其悲也解
 作竹林穿鑿難信
 四山多風溪水急寒雨颯颯枯樹溼黃蒿古城雲

御製唐詩卷二十一 作歌七首

不○開○白○狐○跳○梁○黃○狐○立○我○生○何○為○在○窮○谷○中○夜○起○
坐○萬○感○集○嗚○呼○五○歌○兮○歌○正○長○魂○招○不○來○歸○故○鄉○
仇○兆○鼇○曰○此○歌○忽○然○變○調○寫○得○山○昏○水○惡○雨○驟○
風○狂○荒○城○晝○暝○野○狐○羣○嘯○頓○覺○空○谷○孤○危○萬○感○
交○迫○招○魂○於○生○前○收○骨○於○死○後○見○存○亡○總○不○能○
自○必○矣○

南○有○龍○兮○在○山○湫○古○木○巖○從○枝○相○樛○木○葉○黃○落○龍○
正○蟄○蝮○蛇○東○來○水○上○遊○我○行○怪○此○安○敢○出○拔○劍○欲○
斬○且○復○休○嗚○呼○六○歌○兮○歌○思○遲○溪○壑○為○我○迴○春○姿○

王道俊曰前後六章皆白敘流離之感不應此

章獨譏時事蓋詠同谷萬丈潭之龍也郭知遠

引蘇注云此詩南有龍喻明皇在南內東坡必

無是言

男○兒○生○不○成○名○身○已○老○三○年○饑○走○荒○山○道○長○安○卿○
相○多○少○年○富○貴○應○須○致○身○早○山○中○儒○生○舊○相○識○但○
話○宿○昔○傷○懷○抱○嗚○呼○七○歌○兮○悄○終○曲○仰○視○皇○天○白○
日○速○

慷慨悲歌足以裂山石而立海水殆所謂自鑄離

御製唐詩卷二十一 杜甫乾元中寓居同谷縣 卷十一之三

御選唐詩卷十一 作歌七首

騷者史遷云人勞苦倦極未嘗不呼天也疾痛慘
但未嘗不呼父母也甫之遇為何如哉流離困頓
轉徙山谷仰天一呼萬感交集而筆之奇氣之豪
文足以發其所感淋漓頓挫自成音節自古及今
不可有二宋祁云莫昔念亂小雅怨自然流泣袁
安愁此之謂矣歌中思及弟妹字字至情南有龍
一篇感時憫亂實有寓意若謂為明皇而作則不
免牽合耳

李馬曰太白遠別離蜀道難與子美同谷七歌

風騷極致不在屈宋之下
胡應麟曰杜七歌亦倣張衡四愁然七歌奇崛
雄深四愁和平婉麗漢唐短歌各為絕唱所謂
異曲同工
王嗣奭曰七歌創作原不做離騷而哀實過之
讀離騷未必墮淚而讀此不能終篇則以節短
而聲促也
仇兆鼂曰七歌結語皆本蔡琰胡笳曲
水會渡

御選唐詩卷十一 杜甫 水會渡 卷十一之四

山行有常程。中夜尙未安。微月沒已久。崖傾路何
難。大江動我前。洶若溟渤寬。篙師暗理楫。歌笑輕
波瀾。霜濃木石滑。風急手足寒。入舟已千憂。陟巘
仍萬盤。迴眺積水外。始知眾星乾。遠遊令人瘦。衰
疾慙加餐。

仇兆鼂曰曹孟德詩星漢燦爛若出其裏與杜
句可參看

飛仙閣

土門山行窄。微徑緣秋豪。棧雲闌干峻。梯石結構

牢。萬壑欹疎林。積陰帶奔濤。寒日外。淡泊長風中。
怒號欹鞍在地底。始覺所歷高。往來雜坐臥。人馬
同疲勞。浮生有定分。饑飽豈可逃。歎息謂妻子。我
何隨汝曹。

龍門閣

清江下龍門。絕壁無尺土。長風駕高浪。浩浩自太
古。危途中縈盤。仰望垂綫縷。滑石欹誰鑿。浮梁裊
相挂。目眩隕雜花。頭風吹過雨。百年不敢料。一墜
那得取。飽聞經瞿塘。足見度大庾。終身歷艱險。恐

懼從此數。

石櫃閣

季冬日已長。山晚半天赤。蜀道多早花。江閒饒奇石。石櫃曾波上。臨虛蕩高壁。清暉回羣鷗。暝色帶遠客。羈棲負幽意。感歎向絕跡。信甘孱。孱嬰不獨凍餒迫。優游謝康樂。放浪陶彭澤。吾衰未自安。謝爾性所適。

暝色帶遠客。造語入妙光。祿坂行云。暝色無人獨歸客。雋致滅矣。

石櫃閣

桔柏渡

青冥寒江渡。駕竹為長橋。竿涇煙漠漠。江永風蕭蕭。蕭連竿動。嫋娜征衣颯。飄飄急流鵝。鵝散絕岸鼉。鼉騎西轅自茲異。東逝不可要。高通荆門路。潤會滄海潮。孤光隱顧眄。遊子悵寂寥。無以洗心胸。前登但山椒。

劔門

惟天有設險。劔門天下壯。連山抱西南。石角皆北向。兩崖崇墉倚。刻畫城郭狀。一夫怒臨關。百萬未

御選唐未詩序

卷上

杜甫

桔柏渡

劔門

六

卷上之六

可○傍○珠○玉○走○中○原○岷○峨○氣○悽○愴○三○皇○五○帝○前○雞○犬○
各○相○放○後○王○尙○柔○遠○職○貢○道○已○喪○至○今○英○雄○人○高○
視○見○霸○王○并○吞○與○割○據○極○力○不○相○讓○吾○將○罪○真○宰○
意○欲○鏟○疊○嶂○恐○此○復○偶○然○臨○風○默○惆○悵○

危時之慮與劔閣銘固自有異若李商隱井絡一
首乃用銘意者

江盈科曰少陵秦州以後詩突兀宏肆迥異昔
作非有意換格蜀中山水自是挺特奇崛獨能
象景傳神使人讀之山川歷落居然在眼所謂

春蠶結繭隨物肖形乃為真詩人真手筆也

胡夏客曰劔門詩因劔閣銘而成但銘詞出以
莊嚴此詩尤加雄肆用古而能勝於古人方稱
作家

朱鶴齡曰蜀為財賦所出自明皇臨幸供億不
貲民力盡矣民力盡而寇盜乘之晉李特流人
之禍可為明鑒此詩故有岷峨悽愴與英雄割
據之慮也

成都府

翳翳桑榆日照我征衣裳。我行山川異，忽在天一方。但逢新人民，未卜見故鄉。大江東流去，游子去日長。曾城填華屋，季冬樹木蒼。喧然名都會，吹簫聞笙簧。信美無與適，側身望川梁。烏雀夜各歸，中原杳茫茫。初月出不高，眾星尙爭光。自古有羈旅，我何苦哀傷。

語意多本古人，較途中諸作，雖氣度少舒，而憂思未嘗忘也。初月兩語，上承中原一句，王應麟以謂肅宗初立，盜賊未息，最爲得解。蓋至此身事少定。

不覺念及朝廷，甫豈須臾忘君者哉。

石犀行

君不見秦時蜀太守，刻石立作三犀牛。自古雖有厭勝法，天生江水向東流。蜀人矜誇一千載，泛溢不近張儀樓。今年灌口損戶口，此事或恐爲神羞。終藉隄防出眾力，高擁木石當清秋。先王作法皆正道，詭怪何得參人謀。嗟爾三犀，不經濟，缺訛只與長川逝。但見元氣常調和，自免洪濤恣凋瘵。安得壯士提天綱，再平水土犀奔茫。

斥不經之談歸之正道筆力傑異不落言筌視石
笋行尤為擅勝

題壁畫馬歌 原注韋
偃畫

韋侯別我有所適。知我憐君畫無敵。戲拈秃筆埽
驂。歛見騏驎。出東壁。一匹斫草一匹嘶。坐看千
里當霜蹄。時危安得真。致此與人同。生亦同死。

屹然健筆轉出命意乃詩人之旨

戲題畫山水圖歌 原注王宰畫
宰丹青絕倫

十日畫一水五日畫一石。能事不受相促迫。王宰

始肯畱真跡。壯哉崑崙方壺圖。挂君高堂之素壁。
巴陵洞庭日本東。赤岸水與銀河通。中有雲氣隨
飛龍。舟人漁子入浦溆。山木盡亞洪濤風。尤工遠
勢古。莫比咫尺應須論。萬里焉得并州快剪刀。剪
取吳松半江水。

無名氏西清詩話曰。梁蕭文與善畫於扇上。圖
山水咫尺之內。便覺萬里為遙。老杜云。尤工遠
勢古。莫比咫尺應須論。萬里乍讀似非用事。如
男兒既介胄。長揖別上官。用介胄之士不拜婦

題李尊師松樹障子歌

人在軍中兵氣恐不揚。用軍中豈有女子乎。皆用其事而隱其語。

題李尊師松樹障子歌

老夫清晨梳白頭。元都道士來相訪。握髮呼兒延入戶。手提新畫青松障。障子松林靜杳冥。憑軒忽若無丹青。陰崖卻承霜雪幹。偃蓋反走虬龍形。老夫平生好奇古。對此興與精靈聚。已知仙客意相親。更覺良工心獨苦。松下丈人巾屨同。偶坐似是商山翁。悵望聊歌紫芝曲。時危慘澹來悲風。

戲為雙松圖歌

原注 韋儂

天下幾人畫古松。畢宏已老韋儂少。絕筆長風起。纖末滿堂動色嗟。神妙兩株慘裂苔。蘇皮屈鐵交錯迴。高枝白摧朽骨龍。虎死黑入太陰雷。雨垂松根。胡僧憇寂寞。龐眉皓首無住著。偏袒右肩露雙脚。葉裏松子僧前落。韋侯韋侯數相見。我有一匹好東絹。重之不減錦繡段。已令拂拭光凌亂。請公放筆為直幹。

題畫諸篇刻意冥搜積思獨造與太白觀粉圖山

御選唐詩 卷上 杜甫 戲為雙松圖歌 卷十一之十

永諸篇並駕齊驅遂爲此體之祖至於思業高奇
繩函鑿險則杜老又似稍優者蓋其詣力所近更
覺良工心獨苦也

沈德潛曰突兀起不妨平接如堂上不合生楓
樹下云間君埽卻赤縣圖是也平調起必警語
接此詩是也學者於此求之思過半矣

病柏

有柏生崇岡童童狀車蓋偃蹇龍虎姿主當風雲
會神明依正直故老多再拜豈知千年根中路顏

色壞出非不得地蟠據亦高大歲寒忽無憑日夜
柯葉改丹鳳領九雛哀鳴翔其外鴟鴞志意滿養
子穿穴內客從何鄉來佇立久吁怪靜求元精理
浩蕩難倚賴

託喻之言可垂鑒戒

葉夢得曰此詩爲明皇而作

病橘

羣橘少生意雖多亦奚爲惜哉結實小酸澀如棠
梨剖之盡蠹蟲采掇爽其宜紛然不適口豈只存

其皮蕭蕭半死葉未忍別故枝元冬霜雪積况乃
迴風吹嘗聞蓬萊殿羅列瀟湘姿此物歲不稔玉
食失光輝冠盜尙憑陵當君減膳時汝病是天意
吾諗罪有司憶昔南海使奔騰獻荔支百馬死山
谷到今耆舊悲

因病橘而回憶荔枝婉轉言之多少慨歎

枯櫟

蜀門多櫟欄高者十八九其皮割剝甚雖眾亦易
朽徒布如雲葉青黃歲寒後交橫集斧斤凋喪先

蒲柳傷時苦軍乏一物官盡取嗟爾江漢人生成
復何有有同枯櫟木使我沈歎久死者卽已休生
者何自守啾啾黃雀啁側見寒蓬走念爾形影乾
摧殘沒藜莠

仇兆鼇曰詩中詠物之作有就本題作結者此
章是也有借客意作結者病橘枯枏是也可悟
詩家擒縱之法

枯枏

枏枏枯崢嶸鄉黨皆莫記不知幾百歲慘慘無生

意上枝摩皇天。下根蟠厚地。巨圍雷霆折。萬孔蟲
蟻萃。凍雨落流膠。衝風奪佳氣。白鴿遂不來。天雞
為愁思。猶含棟梁具。無復霄漢志。良工古昔少。識
者出涕淚。種榆水中央。成長何容易。截承金露盤。
裊裊不自畏。

四詩皆託物起興風人之嗣音也

葉夢得曰此詩當是為房次律而作

浦起龍曰四詩寄託遙深斂鋒鐔為之力追古

作者

戲作花卿歌

成都猛將有花卿。學語小兒知姓名。用如快鶻風
火生。見賊唯多身。始輕綿州副使著。柘黃我卿埽
除。即日平子璋。髑髏血模糊。手提擲還崔大夫。李
侯重有此節度。人道我卿絕世無。既稱絕世無。天
子何不喚取守京都。

收筆婉轉自如所謂意慳關飛動者不獨子璋一
句凜凜有生色也

唐書上元二年四月梓州刺史段子璋反襲東

川節度使李負於綿州自稱梁王五月成都尹
崔光遠率將花敬定攻拔綿州斬子璋

柵樹為風雨所拔歎

倚江柵樹草堂前。故老相傳二百年。誅茅卜居總
為此五月髣髴聞。寒蟬東南飄風動地至。江翻石
走流雲氣幹排雷。雨猶力爭根斷泉源豈天意滄
波老樹性所愛。浦上童童一青蓋。野客頻畱懼雪
霜。行人不過聽竽籟。虎倒龍顛委榛棘。淚痕血點
垂胸臆。我有新詩何處吟。草堂自此無顏色。

勢取矯厲意主樸真

茅屋為秋風所破歌

八月秋高風怒號。卷我屋上三重茅。茅飛度江灑
江郊。高者挂罥長林梢。下者飄轉沉塘坳。南邨羣
童欺我老無力。忍能對面為盜賊。公然抱茅入竹
去。唇焦口燥呼不得。歸來倚杖自歎息。俄頃風定
雲墨色。秋天漠漠向昏黑。布衾多年冷似鐵。驕兒
惡臥踏裏裂。牀牀屋漏無乾處。雨脚如麻未斷絕。
自經喪亂少睡眠。長夜沾溼何由徹。安得廣廈千

萬○閒○大○庇○天○下○寒○士○俱○歡○顏○風○雨○不○動○安○如○山○鳴○
呼○何○時○眼○前○突○兀○見○此○屋○吾○廬○獨○破○受○凍○死○亦○足○
極○無○聊○事○以○直○寫○見○筆○力○入○後○大○波○軒○然○而○起○疊○
筆○作○收○如○龍○掉○尾○非○僅○見○此○老○胸○懷○若○無○此○意○則○
詩○亦○可○不○作○

朱鶴齡曰白樂天云安得布裘長萬丈與君都
蓋洛陽城同此意

天邊行

天○邊○老○人○歸○未○得○日○暮○東○臨○大○江○哭○隴○右○河○源○不○

種○田○胡○騎○羌○兵○入○巴○蜀○洪○濤○滔○天○風○拔○木○前○飛○禿○
鶯○後○鴻○鵠○九○度○附○書○向○洛○陽○十○年○骨○肉○無○消○息○

苦戰行

苦○戰○身○死○馬○將○軍○自○云○伏○波○之○子○孫○千○戈○未○定○失○
壯○士○使○我○歎○恨○傷○精○魂○去○年○江○南○討○狂○賊○臨○江○把○
臂○難○再○得○別○時○孤○雲○今○不○飛○時○獨○看○雲○淚○橫○臆○

情溢乎詞音長節短

述古

赤○驥○頓○長○纓○非○無○萬○里○姿○悲○鳴○淚○至○地○為○問○馭○者○

誰鳳凰從東來何意復高飛竹花不結實念子忍朝飢古時君臣合可以物理推賢人識定分進退固其宜

唐汝詢曰驥無良馭則踈萬里之能鳳無竹實則高飛而不下君臣相合之義當以此理推之賢者固知所自守而用人者可不加之意乎市人日中集於利競錐刀置膏烈火上哀哀自煎熬農人望歲稔相率除蓬蒿所務穀為本邪贏無乃勞舜舉十六相身尊道何高秦時任商鞅法令

如牛毛

此賦相兼名論不朽蘇軾以末四句為稷契輩人語信有其意

朱鶴齡曰是時第五琦劉晏皆以宰相領度支鹽鐵使權稅四出利析錐刀故言為治之道在乎停本抑末舉良相以任之不常用與利之臣以滋民偽也

觀打魚歌

綿州江水之東津魴魚鱖魚色勝銀漁人漾舟沉

御選唐詩

卷十一

杜甫 觀打魚歌

七

卷十一之十六

大網截江一擁數百鱗。眾魚常才盡卻乘赤鯉騰。
出如有神潛龍無聲老蛟怒回風颯颯吹沙塵。養
子左右揮霜刀。膾飛金盤白雪高。徐州秃尾不足
憶。漢陰槎頭遠遁逃。魴魚肥美知第一。既飽歡娛
亦蕭瑟。君不見朝來割素髻。咫尺波濤永相失。

又觀打魚

蒼江漁子清晨集。設網提綱萬魚急。能者操舟疾
若風。撐突波濤挺。又入小魚脫漏不可記。半死半
生猶戢戢。大魚傷損皆垂頭。屈強泥沙有時立。東

津觀魚已再來。主人罷鱸還傾盃。日暮蛟龍改窟
穴。山根鱸鮪隨雲雷。干戈兵革鬪未止。鳳凰麒麟
安在哉。吾徒胡爲縱此樂。暴殄天物聖所哀。

指事言情詞意簡遠如龍門之桐百尺無枝又如

萬石洪鐘不作細響此所以爲大家

仇兆鼇曰從竭澤而漁處寫出慘酷可憐之狀
具見愛物仁心

黃生曰前詩寓感此詩寓規體物既精命意復
遠

越王樓歌

綿州州府何磊落。顯慶年中越王作。孤城西北起
高樓。碧瓦朱甍照城郭。樓下長江百丈清。山頭落
日半輪明。君王舊跡今人賞。轉見千秋萬古情。

泠泠雅調或謂傲王子安。滕王閣而風致小。遜非也。

冬到金華山觀因得故拾遺陳公學堂遺跡
涪右眾山內。金華紫崔嵬。上有蔚藍天。垂光抱瓊
臺。繫舟接絕壁。杖策窮縈回。四顧俯層巔。淡然川

谷開雪嶺。日色死。霜鴻有餘哀。焚香玉女跪。霧裏
仙人來。陳公讀書堂。石柱仄青苔。悲風為我起。激
烈傷雄才。

通泉驛南去通泉縣十五里山水作

溪行衣自溼。亭午氣始散。冬温蚊蚋在人遠。鳧鴨
亂登頓。生曾陰。欹傾出高岸。驛樓衰柳側。縣郭輕
煙畔。一川何綺麗。盡目窮壯觀。山色遠寂寞。江光
夕滋漫。傷時愧孔父。去國同王粲。我生苦飄零。所
愿有嗟嘆。

泉縣十五里山水作

眼前景色寫出自有佳致

過郭代公故宅

豪俊初未遇。其跡或脫畧。代公尉通泉。放意何自若。及夫登袞冕。直氣森噴薄。磊落見異人。豈伊常情度。定策神龍後。宮中翕清廓。俄頃辨尊親。指揮存顧託。羣公有慚色。王室無削弱。迴出名臣上。丹青照臺閣。我行得遺跡。池館皆疏鑿。壯公臨事斷。顧步涕橫落。高咏寶劍篇。神交付冥漠。仇兆鼂曰。俄頃辨尊親。推其決幾之明。壯公臨

事斷服其應變之敏。二語能寫出代公身分。苟或之失身。誤於不能辨陳賈之僨事。失於不能斷杜詩論人必具特識。推此可見。

短歌行原注贈王郎司直

王郎酒酣拔劍斫地歌。莫哀我能拔爾抑塞磊落之奇才。豫樟翻風白日動。鯨魚跋浪滄溟開。且脫佩劍休徘徊。西得諸侯棹錦水。欲向何門跋珠履。仲宣樓頭春色深。青眼高歌望吾子。眼中之人吾老矣。

杜甫 過郭代公故宅 短十九 卷十一之十九

劉會孟曰豪氣激人堂堂復堂堂

盧世灌曰突兀橫絕跌宕悲涼

桃竹杖引

江心蟠石生桃竹。蒼波噴浸尺度足。斬根削皮如紫玉。江妃水仙惜不得。梓潼使君開一束。滿堂賓客皆歎息。憐我老病贈兩莖。出入爪甲鏗有聲。老夫復欲東南征。乘桴鼓枻白帝城。路幽必為鬼神奪。拔劍或與蛟龍爭。重為告曰杖兮杖兮。爾之生也甚正。直慎勿見水。踴躍學變化為龍。使我不得

爾之扶持滅跡於君山湖上之青峯。噫風塵瀕洞兮豺虎咬人。忽失雙杖兮吾將曷從。

奇變酷似太白老杜真乃無所不有

朱鶴齡曰此詩蓋借竹杖以規諷章留後也。既以踴躍為龍戒之。又以忽失雙杖危之。其微旨可見。

仇兆鼇曰宋之間騷體詩有嵩山天門歌。杜詩此篇所自出。然杜之靈奇卻勝於宋之雋麗。

韋諷錄事宅觀曹將軍畫馬圖

國初已來畫鞍馬。神妙獨數江都王。將軍得名三十載。人閒又見真乘黃。會貌先帝照夜白。龍池十日飛霹靂。內府殷紅馬腦盤。婕妤傳詔才人索。盤賜將軍拜舞歸。輕紈細綺相追飛。貴戚權門得筆跡。始覺屏障生光輝。昔日太宗拳毛騮。近時郭家師子花。今之畫圖有二馬。復令識者久歎嗟。此皆騎戰一敵萬。縞素漠漠開風沙。其餘七匹亦殊絕。迴若寒空動煙雪。霜蹄蹴踏長楸閒。馬官廝養森成列。可憐九馬爭神駿。顧視清高氣深穩。借問苦

心愛者誰。後有韋諷前支遁。憶昔巡幸新豐宮。翠華拂天來向東。騰驤磊落三萬匹。皆與此圖筋骨同。自從獻寶朝河宗。無復射蛟江水中。君不見金粟堆前松柏裏。龍媒去盡烏呼風。

蒼莽歷落中。法律深細前。從照夜白敘入。卽伏末段感慨中間錯綜。九馬文勢跌宕。可謂毫髮無遺。憾波瀾獨老成矣。七古至於老杜。浩浩落落。獨往獨來。神龍在霄。連蜷變化。不可方物。天馬行空。脫去羈勒。足以橫睨一世。獨有千古。東坡書韓幹牧

馬圖猶非其匹况他人乎

丹青引原注贈曹將軍霸

將軍魏武之子孫於今為庶為清門英雄割據雖已矣文彩風流猶尚存學書初學衛夫人但恨無過王右軍丹青不知老將至富貴於我如浮雲開元之中常引見承恩數上南薰殿凌煙功臣少顏色將軍下辛開生面良相頭上進賢冠猛將腰閒大羽箭公鄂公毛髮動英姿颯爽來酣戰先帝天馬玉驄畫工如山貌不同是日牽來赤墀下

迴立閭闔生長風詔謂將軍拂絹素意匠慘淡經營中斯須九重真龍出一洗萬古凡馬空玉花卻在御榻上榻上庭前屹相向至尊含笑催賜金圍人太僕皆惆悵弟子韓幹早入室亦能畫馬窮殊相幹惟畫肉不畫骨忍使驂驪氣凋喪將軍畫善蓋有神必逢佳士亦寫真即今飄泊干戈際屢貌尋常行路人途窮反遭俗眼白世上未有如公貧但看古來盛名下終日坎壈纏其身

起筆老橫開元之中以下敘昔日之遇正為末段

反照丹青之妙見贈言之義明矣通篇瀏灑頓挫
節奏之妙於斯爲極

許顛曰老杜丹青引一洗萬古凡馬空東坡觀
吳道子畫壁詩筆所未到氣已吞二公之詩足
以當之

沈德潛曰畫人畫馬賓主相形縱橫跌蕩此種
篇法得之於心應之於手有化工而無人力莫
能贊歎其妙

發閩中

前○有○毒○蛇○後○猛○虎○溪○行○盡○日○無○邨○塢○江○風○蕭○蕭○雲○
拂○地○山○木○慘○慘○天○欲○雨○女○病○妻○憂○歸○意○速○秋○花○錦○
石○誰○復○數○別○家○三○月○一○得○書○避○地○何○時○免○愁○苦○

寄韓諫議

今○我○不○樂○思○岳○陽○身○欲○奮○飛○病○在○牀○美○人○娟○娟○隔○
秋○水○濯○足○洞○庭○望○入○荒○鴻○飛○冥○冥○日○月○白○青○楓○葉○
赤○天○雨○霜○玉○京○羣○帝○集○北○斗○或○騎○騏○驎○翳○鳳○凰○芙○
蓉○旌○旗○煙○霧○樂○影○動○倒○景○搖○瀟○湘○星○宮○之○君○醉○瓊○
漿○羽○人○稀○少○不○在○旁○似○聞○昨○者○赤○松○子○恐○是○漢○代○

韓張良昔隨劉氏定長安。帷幄未改神慘傷。國家
成敗吾豈敢。色難腥腐餐風香。周南留滯古所惜。
南極老人應壽昌。美人胡爲隔秋水。焉得置之貢
玉堂。

黃生曰錢謙益謂此詩欲韓貢李泌於玉堂者
其說近鑿公蓋與韓有舊故作此寄之按史記
索隱注云子房本韓之公族故曰漢代韓張良
所指本自明白
浦起龍曰源本楚騷亦近太白

憶昔

憶昔開元全盛日。小邑猶藏萬家室。稻米流脂粟
米白。公私倉廩俱豐實。九州道路無豺虎。遠行不
勞。吉日出齊紈。魯縞車班班。男耕女桑不相失。宮
中聖人奏雲門。天下朋友皆膠漆。百餘年間未災
變。叔孫禮樂蕭何律。豈聞一絹直萬錢。有田種穀
今流血。洛陽宮殿燒焚盡。宗廟新除狐兔穴。傷心
不忍問耆舊。復恐初從亂離說。小臣魯鈍無所能。
朝廷記識蒙祿秩。周宣中興望我皇。灑血江漢身

哀疾。

居然變雅治亂相形極其沉痛

王嗣爽曰百餘年閒二句蓋言法度之存亡關乎國家之理亂先敘此二語隨用豈聞二字轉下如快馬驀澗何等筆力
仇兆鼇曰明皇當豐亨豫大時忽盈虛消息之理致開元變為天寶流禍兩朝而亂猶未已此詩於理亂興亡之故反覆痛陳蓋亟望代宗撥亂反治復見開元之盛焉

冬狩行

原注時梓州刺史章彝兼侍御史留後東川

君不見東川節度兵馬雄校獵亦似觀成功夜發
猛士三千人清晨合圍步驟同禽獸已斃十七八
殺聲落日迴蒼穹幕前生致九青兕駉駉崑崙垂
元熊東西南北百里間髣髴蹴踏寒山空有鳥名
鸚鵡力不能高飛逐走蓬肉味不足登鼎俎何為
見羈虞羅中春蒐冬狩侯得同使君五馬一馬驄
况今攝行大將權號令頗有前賢風飄然時危一
老翁十年厭見旌旗紅喜君士卒甚整肅為我迴

御選唐詩四卷十一
轡擒西戎草中狐兔盡何益天子不在咸陽宮朝
廷雖無幽王禍得不哀痛塵再蒙嗚呼得不哀痛
塵再蒙

大義凜然及今誦之如見其壯顏毅色

申涵光曰草中狐兔盡何益二句卽賈生不獵
猛敵而獵禽獸意

王洙曰代宗在陝詔徵天下兵時程元振用事
無一人應詔者故章未感激言之

別唐十五誠因寄禮部賈侍郎

九載一相逢百年能幾何復爲萬里別送子山之
阿白鶴久同林潛魚本同河未知棲集期衰老強
高歌歌罷兩悽惻六龍忽蹉跎相視髮皓白况難
駐羲和胡星墜燕地漢將仍橫戈蕭條四海內人
少豺虎多少人慎莫投多虎信所過饑有易子食
獸猶畏虞羅子負經濟才天門鬱嵯峨飄飄適東
周來往若崩波南宮吾故人白馬金盤隨雄筆映
千古見賢心靡他念子善師事歲寒守舊柯爲吾
謝賈公病肺臥江沱

御選唐詩 卷十一 郭賈寺郎 閬山歌

梅堯臣曰饑有易子食二語含蓄甚深殆不可模倣

閬山歌

閬州城東靈山白。閬州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩華敵。中原格鬪且未歸。應結茅齋看青壁。

閬水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳欹側過。水雞銜

魚來去飛。閬中勝事可腸斷。閬州城南天下稀。

一詩著語奇秀。覺空翠撲人。冲襟相照。

草堂

昔我去草堂。蠻夷塞成都。今我歸草堂。成都適無虞。請陳初亂時。反覆乃須臾。大將赴朝廷。羣小起異圖。中宵斬白馬。盟歃氣已麤。西取邛南兵。北斷劔閣隅。布衣數千人。亦擁專城居。其勢下兩大。始聞蕃漢殊。西卒卻倒戈。賊臣互相誅。焉知肘腋禍。自及泉鏡徒。義士皆痛憤。紀綱亂相踰。一國實三

御選唐詩 卷十一 杜甫 閬水歌 草堂 卷十一之五

公萬人欲爲魚唱和作威福孰肯辨無辜眼前列
柎械背後吹笙竽談笑行殺戮濺血滿長衢到今
用鉞地風雨聞號呼鬼妾與鬼馬色悲充爾娛國
家法令在此又足驚吁賤子且奔走三年望東吳
弧矢暗江海難爲遊五湖不忍竟舍此復來薙榛
蕪入門四松在步履萬竹疎舊犬喜我歸低何人
衣裾鄰舍喜我歸沽酒攜胡蘆大官喜我來遣騎
問所須城郭喜我來賓客隘邨墟天下尙未宜健
兒勝腐儒飄飄風塵際何地置老夫於時見疣贅

骨髓幸未枯飲啄媿殘生食薇不敢餘

記離亂事可補史氏之闕

錢謙益曰寶應元年四月嚴武入朝七月劍南
西川節度使徐知道反八月伏誅公攜家避亂
往梓州廣德二年武鎮劍南公復還成都草堂
此詩云大將赴朝廷羣小起異圖謂武入朝而
知道反也北斷劔閣隅謂知道以兵守要害武
不得出也賊臣互相誅謂知道爲其下李忠厚
所殺也

太子張舍人遺織成褥段

客從西北來。遺我翠織成。開絨風濤湧。中有掉尾
鯨。透迤羅水族。瑣細不足名。客云充君褥。承君終
宴榮。空堂魑魅走。高枕形神清。領客珍重意。顧我
非公卿。畱之懼不祥。施之混柴荆。服飾定尊卑。大
哉萬古程。今我一賤老。裋褐更無營。煌煌珠宮物。
寢處禍所嬰。歎息當路子。干戈尚縱橫。掌握有權
柄。衣馬自肥輕。李鼎死岐陽。實以驕貴盈。來瑱賜
自盡。氣豪直阻兵。皆聞黃金多。坐見悔吝生。柰何

田舍翁受此厚。貺情錦鯨卷。還客始覺心。和平振
我麤席塵。媿客茹藜羹。

因小見大殊有關於典制足以正人心而厚風俗

錢謙益曰史稱嚴武累年在蜀肆志逞欲恣行
猛政窮極奢靡賞賜無度公在武幕下作此諷
諭至舉李鼎來瑒以深戒之朋友責善之道也
不然辭一織成之遺而侈談殺身自盡之禍無
病而呻豈詩人之意乎

杜鵑

西川有杜鵑。東川無杜鵑。涪萬無杜鵑。雲安有杜鵑。我昔遊錦城。結廬錦水邊。有竹一頃餘。喬木上參天。杜鵑暮春至。哀哀叫其閒。我見常再拜。重是古帝魂。生子百鳥巢。百鳥不敢嗔。仍爲餒其子。禮若奉至尊。鴻雁及羔羊。有禮太古前。飛與跪乳識。序如知恩。聖賢古法則。付與後世傳。君看禽鳥情。猶解事杜鵑。今忽暮春閒。值我病經年。身病不能拜。淚下如迸泉。

古調微辭集中題凡再見知其寄慨者深矣其集

外一篇則僞也至於發端四語不關詩之正拙謂必如是乃合樂府亦固哉之論

王士祿曰興觀羣怨讀此慨然有得

附錄客堂

憶昨離少城。而今異楚蜀。舍舟復深山。窅窅一林麓。棲泊雲安縣。消中內相毒。舊疾廿載來。衰年得無足。死爲殊方鬼。頭白免短促。老馬終望雲。南雁意在北。別家長兒女。欲起慚筋力。客堂敘節改。具物對羈束。石暄蕨芽紫。渚秀蘆笋綠。巴鷲紛未稀。

微麥早向熟。悠悠日動江。漠漠春辭木。臺郎選才
俊。自顧亦已極。前輩聲名人。埋沒何所得。居然縮
章紱。受性本幽獨。平生憇息地。必種數竿竹。事業
只濁醪。營葺但草屋。上有記者累。奏資薄祿主。
憂豈濟時身。遠彌曠職循。文廟算正獻。可天衢直。
尙想趨朝廷。毫髮裨社稷。形骸今若是。進退委行
色。

水閣朝霽奉簡巖雲安

東城抱春岑。江閣鄰石面。崔嵬晨雲白。朝旭射芳

甸。雨。檻。臥。花。叢。風。牀。展。書。卷。鉤。簾。宿。鷺。起。丸。藥。流。
鷺。囀。呼。婢。取。酒。壺。續。兒。誦。文。選。晚。交。巖。明。府。矧。此
數。相。見。

選體青山捫。蝨坐黃鳥抱。書眠極力追。擬去之彌
遠。

蔡沃啓曰。荆公每稱老杜。鉤簾宿鷺起丸藥流
鷺囀以爲用意高妙。五字模楷。

蠶穀行

天下郡國向萬城。無有一城無甲兵。焉得鑄甲作

安 蠶 穀 一 寸 荒 田 牛 得 耕 牛 盡 耕 蠶 亦 成 不 勞 烈 士
淚 滂 沱 男 穀 女 絲 行 復 歌

有慨乎其言之

古柏行

孔。明。廟。前。有。老。柏。柯。如。青。銅。根。如。石。霜。皮。溜。雨。四
十。圍。黛。色。參。天。二。千。尺。君。臣。已。與。時。際。會。樹。木。猶
爲。人。愛。惜。雲。來。氣。接。巫。峽。長。月。出。寒。通。雪。山。白。憶
昨。路。遶。錦。亭。東。先。主。武。侯。同。闕。宮。崔。嵬。枝。榦。郊。原
古。窈。窕。丹。青。戶。牖。空。落。落。盤。踞。雖。得。地。冥。冥。孤。高。

多。烈。風。扶。持。自。是。神。明。力。正。直。原。因。造。化。功。大。厦
如。傾。要。梁。棟。萬。牛。迴。首。邱。山。重。不。露。文。章。世。已。驚
未。辭。剪。伐。誰。能。送。苦。心。豈。免。容。螻。蟻。香。葉。終。經。宿
鸞。鳳。志。士。幽。人。莫。怨。嗟。古。來。材。大。難。爲。用。

情深文明眼空筆老千載而下如聞太息之聲

王嗣爽曰公生平極贊孔明蓋竊比之意孔明
才大而不盡其用公嘗自比稷契而人莫之用
故篇終結出才大難用此作詩本旨發興於古
柏者也

李因篤曰武侯廟柏自不得作一細語如太史公用尚書爲本紀厚重乃爾

縛雞行

小奴縛雞向市賣。雞被縛急相喧爭。家中厭雞食蟲蟻。不知雞賣還遭烹。蟲雞於人何厚薄。吾叱奴人解其縛。雞蟲得失無了時。注目寒江倚山閣。

齊物之旨

師厚曰天下利害當權輕重除寇則勞民愛民則養寇與其養寇孰若勞民與其惜蟲孰若存

雞此論聖人不易天下亦無難處之事始知淨屠法不可治世

蔡正孫曰步里客談云古人作詩斷句輒旁入他意最爲警策如老杜云雞蟲得失無了時注目寒江倚山閣是也黃魯直作水仙花詩坐對眞成被花惱出門一笑大江橫亦是此意

牽牛織女

牽牛出河西織女處其東萬古永相望七夕誰見同神光意難候此事終蒙臙颯然精靈合何必秋

遂通亭亭新粧立。龍駕具會空。世人亦爲爾。祈請
走兒童。稱家隨豐儉。白屋達公宮。膳夫翊堂殿。鳴
玉淒房櫺。曝衣遍天下。曳月揚微風。蛛絲小人態。
曲綴瓜果中。初筵瀆重露。日出甘所終。嗟汝未嫁
女。秉心鬱忡忡。防身動如律。竭力機杼中。雖無姑
舅事。敢昧織作功。明明君臣契。咫尺未容義。無
棄禮法恩。始夫婦恭。小大有佳期。戒之在至公。方
圓苟齟齬。丈夫多英雄。

借題發議正而不腐起處作疑詞李商隱七夕詩

所自出也

張綆曰易言物不可以苟合故借牛女無私會
之事以與男女無苟合之道又因男女無苟合
之道以比君臣無苟合之義觸類旁通高古嚴
正可見古作詩者之意

殿中楊監見示張旭草書圖

斯人已云亡。草聖秘難得。及茲煩見示。滿目一淒
惻。悲風生微納。萬里起古色。鏘鏘鳴玉動。落落羣
松直。連山蟠其間。溟漲與筆力。有練實先書。臨池

真盡墨。俊拔爲之主。暮年思轉極。未知張王後。誰
並百代則。嗚呼東吳精。逸氣感清識。楊公拂篋笥。
舒卷忘寢食。念昔揮毫端。不獨觀酒德。

形容草書奇語獨造

錢謙益曰李頎贈張顛詩云皓首窮草隸時稱

太湖精

課伐木 并序

課隸人伯夷幸秀信行等入谷斬陰木人日四
根止維條伊枚正直挺。然晨征暮返委積庭內。

我有藩籬是缺是補。載伐篠蕩伊仗支持則旅
次於小安山有虎知禁若恃爪牙之利必昏黑
檜突夔人屋壁列樹白菊。鏝爲牆實以竹示式
過爲與虎近。混淪乎無良賓客憂害馬之徒苟
活爲幸可嘿息已作詩示宗武誦。

長夏無所爲。客居課奴僕。清晨飯其腹。持斧入白
谷。青冥會巔後。十里斬陰木。人肩四根已。亭午下
山麓。尚聞丁丁聲。功課日各足。蒼皮成委積。素節
相照燭。藉汝跨小籬。當仗若虛竹。空荒咆熊羆。乳

獸待人肉不示知禁情豈惟干戈哭城中賢府主
處貴如白屋蕭蕭理體淨蜂蠆不敢毒虎穴連里
閭隄防舊風俗泊舟滄江岸久客慎所觸舍西崖
嶠壯雷雨蔚含蓄牆宇資屢脩衰年怯幽獨爾曹
輕執熱爲我忍煩促秋光近青岑季月當泛菊報
之以微寒共給酒一斛

槐葉冷淘

青青高槐葉采掇付中厨新麪來近市汁滓宛相
俱入鼎資過熟加餐愁欲無碧鮮俱照筋香飯兼

苞蘆經齒冷於雪勸人投比珠願隨金騾裹走置
錦屠蘇路遠思恐泥興深終不渝獻芹則小小薦
藻明區區萬里露寒殿開冰清玉壺君王納涼晚
此味亦時須

隨事微其忠款所謂一飯不忘君者信然

朱子語錄曰文字好用經語亦一病東坡寫此
詩至路遠思恐泥云此不足爲法

行官張望補稻畦水歸

東屯大江北百頃平若按六月青稻多千畦碧泉

亂插秧適云已引溜加漑灌更僕往方塘決渠常
斷岸公私各地著浸潤無天旱主守問家臣分明
見溪畔芊芊炯翠羽刻刻生銀漢鷗鳥鏡裏來關
山雪邊看秋菰成黑米精鑿傳白粲玉粒足晨炊
紅鮮任霞散終然添旅食作苦期壯觀遺穗及眾
多我倉戒滋蔓

黃生曰杜田園諸詩覺有傲睨陶公之色其氣
方沈雄骨格蒼勁本色自不可掩

上後園山脚

朱夏熱所嬰清旭步北林小園背高岡挽葛上崎
峯曠望延駐目飄飄散疎襟潛鱗恨水壯去翼依
雲深勿謂地無疆劣於山有陰石楸遍天下水陸
兼浮沉自我登隴首十年經碧岑劔門來巫峽薄
倚浩至今故園暗戎馬骨肉失追尋時危無消息
老去多歸心志士惜白日久客藉黃金敢為蘇門
嘯庶作梁父吟

杜田曰楸音原木皮可食或云善本止是石

原

驅豎子摘蒼耳

江上秋已分林中瘴猶劇。哇丁告勞苦無以供。日夕蓬莠獨不焦。野蔬暗泉石。卷耳况療風。童兒且時摘。侵星驅之去。爛漫任遠適。放筐亭午際。洗剝相蒙羃。登牀半生熟。下筯還小益。加點瓜薤閒。依稀橘奴跡。亂世誅求急。黎民糠粃窄。飽食復何心。荒哉膏梁客。富家厨肉臭。戰地骸骨白。寄語惡少年。黃金且休擲。仇兆鼇曰。膏梁徒飽而黎民苦飢。傷在居人富。

家食肉而戰場暴骨傷及征夫此嘆物力之宜惜也

秋行官張望督促東渚耗稻向畢清晨遣女奴阿稽豎子阿段往問

東渚雨今足。佇聞粳稻香。上天無偏頗。頗蒲稗各自長。人情見非類。田家戒其荒。功夫競楸楸。除草置岸旁。穀者命之本。容居安可忘。青春具所務。勤墾免亂常。吳牛力容易。並驅動莫當。豐苗亦已穢。雲水照方塘。有生固蔓延。靜一資隄防。督領不無人。

提攜頗在綱。荆揚風土暖。肅肅候微霜。尚恐主守
 疎。用心未甚臧。清朝遣婢僕。寄語踰崇岡。西成聚
 必散。不獨陵我倉。豈要仁里譽。感此亂世忙。北風
 吹蒹葭。蟋蟀近中堂。荏苒百工休。鬱紆遲暮傷。

御選唐宋詩醇卷之十二

襄陽杜甫詩四

目錄

雨

又上後園山腳

種蒿苴

八哀詩

贈司空王公思禮

故司徒李公光弼

贈左僕射鄭國公嚴公武

贈太子太師汝陽郡王璡

贈秘書監江夏李公邕

故秘書少監武功蘓公源明

故著作郎貶台州司戶滎陽鄭公虔

故右僕射相國張公九齡

寫懷

觀公孫大娘弟子舞劍器行

同元使君春陵行

李潮八分小篆歌

聽楊氏歌

荆南兵馬使太常卿趙公大食刀歌

王兵馬使二角鷹

狄明府

秋風二首

虎牙行

後苦寒行二首

夜歸

醉爲馬墜諸公攜酒相看

大覺高僧蘭若

宿青溪驛奉懷張員外十五兄之緒

憶昔行

魏將軍歌

北風

白鳧行

醉歌行贈公安顏少府請顧八題壁

夜聞簾櫳

發劉郎浦

別董頴

送顧八分文學適洪吉州

遣遇

解憂

宿鑿石浦

過津口

次空靈岸

宿花石戍

望嶽

岳麓山道林二寺行

歲晏行

追酬故高蜀州人日見寄

蘇大侍御訪江浦賦八韻紀異

題衡山縣文宣王廟新學堂呈陸宰

送人入京文學

賦董賊

齊隆酒

御選唐宋詩醇卷之十二

襄陽杜甫詩四

雨

空山中宵陰微冷先枕席迴風起清曙萬象萋已
碧落落出岫雲渾渾倚天石日假何道行雨含長
江白連檣荊州船有土荷矛戟南防草鎮慘霑溼
赴遠役羣盜下辟山總戎備強敵水深雲光廓鳴
櫓各有適漁艇息悠悠夷歌負樵客畱滯一老翁
書時記朝夕

王嗣爽曰公憂旱詩云上天鑠金石羣盜亂豺
虎今雖得雨而復憂盜上一章憂吳楚之盜故
恐遠客難行此章憂峽中之盜故憐士卒勞役

又上後園山脚

昔我遊山東憶戲東嶽陽窮秋立日觀矯首望八
荒朱崖著毫髮碧海吹衣裳暮收困用事元冥蔚
強梁逝水自朝宗鎮名各其方平原獨憔悴農力
廢耕桑非關風露凋曾是戍役傷於時國用富足
以守邊疆朝廷任猛將遠奪戎虜場到今事反覆

故老淚萬行龜蒙不復見况乃懷舊鄉肺萎屬久
戰骨出熱中腸憂來杖匣劍更上林北岡瘴毒猿
鳥落峽乾南日黃秋風亦已起江漢始如湯登高
欲有往蕩析川無梁哀彼遠征人去家死路旁不
及祖父塋纍纍塚相當

劉會孟曰情緒闊遠收拾悲慟

種萵苣并序

既雨已秋堂下理小畦隔種一兩席許萵苣向
二旬矣而苣不甲坼獨野菟青青傷時君子或

晚得微祿。輾轉不進。因作此詩。

陰陽一錯亂。驕蹇不復理。枯旱於其中。炎方慘如燬。植物半蹉跎。嘉生將已矣。雲雷歛奔命。師伯集所使。指麾赤白日。湏洞青光起。雨聲先已風。散足盡西靡。山泉落滄江。霹靂猶在耳。終朝紆颯沓。信宿罷瀟灑。堂下可以畦。呼童對經始。芑兮蔬之常。隨事藝其子。破塊數席閒。荷鋤功易止。兩句不甲坼。空惜埋泥滓。野苒迷汝來。宗生實於此。此輩豈無秋。亦蒙寒露委。翻然出地速。滋蔓戶庭毀。因知

邪干正。掩抑至沒齒。賢良雖得祿。守道不封已。擁塞敗芝蘭。衆多盛荆杞。中園陷蕭艾。老圃永爲恥。登於白玉盤。藉以如霞綺。苒也無所施。胡顏入筐篚。

以上諸篇皆羈旅無聊中。卽景遣懷紀細事寫憂心而已。然規模旣大。波瀾自遠。每一篇中莫不俯仰今昔。推通物理。言近而指則遠。語質而思則深。論者所云不作諸家細碎詩也。劉勰云。人稟七情。應物斯感。感物吟志。莫非自然。此之諸篇殆亦自

然流露者矣。故能藏風韻於荒涼，寓高華於懇朴。若儲王田家詩，但寫情景，當別有位置，不可與此並論。

高元之曰：自古工詩者，未嘗無興也。覩物有感，則有興。今之作詩，以興近乎訕也，故不敢作。而詩之一義廢矣。杜蒿芑詩，皆興。小人盛而掩抑君子也。高適題處士園云：耕地桑柘間，地肥菜常熟。爲問葵藿資，何如廟堂肉。則近乎訕矣。作詩者知興之與訕，異殆可與言詩。

浦起龍曰：當與菁莪巷伯諸詩並讀。人知好前後出塞三吏三別等篇，不知好此種。彼爲漢魏之後勁，此爲風雅之希聲。

八哀詩并序

傷時盜賊未息，興起王公李公，歎舊懷賢，終於張相國。八公前後存沒，遂不詮次焉。

贈司空王公思禮

司空出東夷，童稚刷勁翮。追隨燕薊兒，穎銳物不隔。服事哥舒翰，意無流沙磧。未甚拔行間，大戎大

充斥短小精悍姿屹然強寇敵貫穿百萬衆出入
 由咫尺馬鞍懸將首甲外控鳴鏑洗劍青海水刻
 銘天山石九曲非外蕃其王轉深壁飛兔不近駕
 鷲鳥資遠擊曉達兵家流飽聞春秋癖胸襟日沉
 靜肅肅自有適潼關初潰散萬乘猶辟易偏裨無
 所施元帥見手格太子入朔方至尊狩梁益胡馬
 纏伊洛中原氣甚逆肅宗登寶位塞望勢敦迫公
 時徒步至請罪將厚責際會清河公間道傳玉冊
 天王拜跪畢讜議果冰釋翠華卷飛雪熊虎亘阡

陌屯兵鳳凰山帳殿涇渭關金城賊咽喉詔鎮雄
 所搯禁暴清無雙爽氣吞漸瀝巷有從公歌野多
 青青麥及夫哭廟後復領太原役恐懼祿位高悵
 望王土窄不得見清時嗚呼就窀穸永繫五湖舟
 悲甚田橫客千秋汾晉間事與雲水白昔觀文苑
 傳豈述廉藺績嗟嗟鄧大夫士卒終倒戟

故司徒李公光弼

司徒天寶末北收晉陽甲胡騎攻吾城愁寂意不
 愜人安若泰山薊北斷右脅朔方氣乃蘇黎首見

帝業二宮泣西郊。九廟起頽壓。未散河陽卒。思明
僞臣妾。復自碣石來。火焚乾坤獵。高視笑祿山。公
又大獻捷。異王冊崇勳。小敵信所怯。擁兵鎮河汴。
千里初妥帖。青蠅紛營營。風雨秋一葉。內省未入
朝。死淚終映睫。大屋去高棟。長城埽遺堞。平生白
羽扇。零落蛟龍匣。雅望與英姿。惻愴槐里接。三軍
晦光彩。烈士痛稠疊。直筆在史臣。將來洗箱篋。吾
思哭孤冢。南紀阻歸楫。扶顛永蕭條。未濟失利涉。
疲荼竟何人。洒涕巴東峽。

王李名將實爲起興所由李公業尤隆二篇氣魄
沉摯最爲精彩

劉克莊曰語極悲壯其形容臨淮憂讒畏譏不
敢入朝之意獨見分曉

贈左僕射鄭國公嚴公武

鄭公瑚璉器。華岳金天晶。昔在童子日。已聞老成
名。嶷然大賢後。復見秀骨清。開口取將相。小心事
友生。閱書百紙盡。落筆四座驚。歷職匪父任。嫉邪
常力爭。漢儀尚整肅。胡騎忽縱橫。飛傳自河隴。逢

人問公卿不知萬乘出雪涕風悲鳴受詞劔閣道
謁帝蕭關城寂寞雲臺仗飄颻沙寒旌江山少使
者笳鼓凝皇情壯士血相視忠臣氣不平密論貞
觀體揮發岐陽征感激動四極聯翩收二京西郊
牛酒再原廟丹青明匡汲俄寵辱衛霍竟哀榮四
登會府地三掌華陽兵京兆空柳色尚書無履聲
羣鳥自朝夕白馬休橫行諸葛蜀人愛文翁儒化
成公來雪山重公去雪山輕記室得何遜韜鈴延
子荆四郊失壁壘虛館開逢迎堂上指圖畫軍中

公武

吹玉笙豈無成都酒憂國只細傾時觀錦水釣問
俗終相并意待大戎滅人藏紅粟盈以茲報主願
庶或裨世程炯炯一心在沉沉一豎嬰顏回竟短
折賈誼徒忠貞飛旒出江漢孤舟轉荆衡虛無馬
融笛悵望龍驤瑩空餘老賓客身上愧簪纓
巖武鎮蜀雖多不法然在蜀而蜀安去蜀而蜀危
以其去來爲輕重則道其實也且武於甫最爲知
已故極寫其忠勤大略諸將詩云軍令分明數舉
杯亦同此意

贈太子太師汝陽郡王璿

汝陽讓帝子。眉宇真天人。虬鬚似太宗。色映塞外春。往者開元中。主恩視遇頻。出入獨非時。禮異見羣臣。愛其謹潔極。倍此骨肉親。從容聽朝後。或在風雪晨。忽思格猛獸。苑囿騰清塵。羽旗動若一。萬馬肅駢駢。詔王來射雁。拜命已挺身。箭出飛鞞內。上又回翠麟。翻然紫塞翻。下梯明月輪。胡人雖獲多天笑。不爲新王每中一物手。自與金銀袖中諫。獵書扣馬久。上陳竟無銜。縶虞聖聰矧。多仁官免

吹玉笙。豈無成都酒。憂國只細傾。時觀錦水釣。問俗終相并。意待犬戎滅。人藏紅粟盈。以茲報主願。庶或裨世程。炯炯一心在。沉沉二豎嬰。顏回竟短折。賈誼徒忠貞。飛旄出江漢。孤舟轉荆衡。虛無馬融笛。悵望龍驤塋。空餘老賓客。身上愧簪纓。

巖武鎮蜀雖多不法。然在蜀而蜀安。去蜀而蜀危。以其去來爲輕重。則道其實也。且武於甫最爲知己。故極寫其忠勤大略。諸將詩云。軍令分明數舉杯。亦同此意。

贈太子太師汝陽郡王璿

汝陽讓帝子。眉宇真天人。虬鬚似太宗。色映塞外春。往者開元中。主恩視遇頻。出入獨非時。禮異見羣臣。愛其謹潔極。倍此骨肉親。從容聽朝後。或在風雪晨。忽思格猛獸。苑囿騰清塵。羽旗動若一。萬馬肅駢駢。詔王來射雁。拜命已挺身。箭出飛鞞內。上又回翠麟。翻然紫塞翻。下梯明月輪。胡人雖獲多天笑。不爲新王每中一物。手自與金銀。袖中諫獵書。扣馬久上陳。竟無銜檠虞。聖聰矧多仁。官免

供給費。水有在藻鱗。匪唯帝老大。皆是王忠勤。晚年務置醴。門引申白賓。道大容無能。永懷侍芳茵。好學尚貞烈。義形必霑巾。揮翰綺繡揚。篇什若有神。川廣不可泝。墓久狐兔鄰。宛彼漢中郡。文雅見天倫。何以開我悲。泛舟俱遠津。溫溫昔風味。少壯已書紳。舊遊易磨滅。衰謝增酸辛。

贈秘書監江夏李公邕

長嘯宇宙間。高才日陵替。古人不可見。前輩復誰繼。憶昔李公存。詞林有根柢。聲華當健筆。灑落富

清製風流散金石。追琢山岳銳。情窮造化理。學貫
天人際。千謁走其門。碑版照四裔。各滿深望還。森
然起凡例。蕭蕭白楊路。洞徹寶珠惠。龍宮塔廟湧。
浩劫浮雲衛。宗儒俎豆事。故吏去思計。眄睐已皆
虛。跋涉曾不泥。向來映當時。豈獨勸後世。豐屋珊
瑚鉤。騏驎藏成蜀。紫驪隨劔兒。義取無虛歲。分宅
脫驂閭。感激懷未濟。眾歸躬給美。擺落多藏穢。獨
步四十年。風聽九臯唳。嗚呼江夏姿。竟掩宣尼袂。
往者武后朝。引用多寵嬖。否臧太常議。面折二張

勢衰俗凜生。風排蕩秋旻。霧忠貞負冤。恨宮闕深
旒綴。放逐早聯翩。低垂困炎厲。日斜鵬鳥入。魂斷
蒼梧帝。榮枯走不暇。星駕無安稅。幾分漢廷竹。夙
擁文侯篲。終悲洛陽獄。事近小臣敝。禍階初負謗。
身力何深瘳。伊昔臨淄亭。酒酣托末契。重敘東都
別。朝陰改軒砌。論文到崔蘇。指盡流水逝。近伏盈
川雄。未甘特進麗。是非張相國。相扼一危脆。爭名
古豈然。關鍵歟不閉。例及吾家詩。曠懷掃氛翳。慷
慨嗣真作。咨嗟玉山桂。鍾律儼高懸。鯨鯢噴迢遼。

坡。隄。青。州。血。蕪。沒。汶。陽。瘞。哀。贈。竟。蕭。條。恩。波。延。揭。
厲。子。孫。存。如。綫。舊。客。舟。凝。滯。君。臣。尚。論。兵。將。帥。接。
燕。薊。朗。咏。六。公。篇。憂。來。豁。蒙。蔽。

仇。兆。鰲。曰。各。章。以。序。事。成。文。部。署。森。嚴。純。似。班。
史。惟。此。章。感。慨。激。昂。排。蕩。變。化。直。追。龍。門。之。筆。
細。按。其。前。後。段。落。又。未。嘗。不。脉。絡。整。齊。也。

故。秘。書。少。監。武。功。蘇。公。源。明。

武。功。少。也。孤。徒。步。客。徐。克。讀。書。東。岳。中。十。載。考。墳。
典。時。下。萊。蕪。郭。忍。飢。浮。雲。巘。負。米。晚。爲。身。每。食。臉。

必。泣。夜。字。照。蕪。薪。垢。衣。生。碧。蘇。庶。以。勤。苦。志。報。茲。
劬。勞。顯。學。蔚。醇。儒。姿。文。包。舊。史。善。灑。落。辭。幽。人。歸。
來。潛。京。輦。射。君。東。堂。策。宗。匠。集。精。選。制。可。題。未。乾。
乙。科。已。大。闢。文。章。日。自。負。吏。祿。亦。累。踐。晨。趨。閭。闔。
內。足。踏。宿。昔。跡。一。麾。出。守。還。黃。屋。朔。風。卷。不。暇。陪。
八。駿。虜。庭。悲。所。遣。平。生。滿。樽。酒。斷。此。朋。知。展。憂。憤。
病。二。秋。有。恨。石。可。轉。肅。宗。復。社。稷。得。無。逆。順。辨。范。
曄。顧。其。兒。李。斯。憶。黃。犬。秘。書。茂。松。意。溟。漲。本。末。淺。
青。熒。芙。蓉。劍。犀。兕。豈。獨。剽。反。爲。後。輩。褻。予。實。苦。懷。

緬煌煌齋房芝。事絕萬手攀。垂之俟來者。正始徵
勸勉。不要懸黃金。胡為投乳質。結交三十載。吾與
誰遊行。滎陽復冥冥。罪罟已橫罟。嗚呼子逝日。始
泰則終蹇。長安米萬錢。凋喪盡餘喘。戰伐何當解。
歸帆阻清沔。尚纏漳水疾。永負蒿里餞。

故著作郎貶台州司戶滎陽鄭公虔

鷄鵠至魯門。不識鐘鼓饗。孔翠望赤霄。愁思雕龍
養滎陽。冠眾儒。早聞名公賞。地崇士大夫。况乃氣
精爽。原注往者公在疾蘇許公頌位尊望重素未
相識早愛才名躬自撫問後結忘年之契遠

遜嘉 天然生知姿。學立游夏上。神農極闕漏。黃石

愧師長。藥纂西極名。原注公著蒼葦等諸書
之外又撰胡本草七卷兵流

指諸掌。貫穿無遺恨。蒼葦何技癢。圭臬星經與蟲

象。丹青廣子雲。窺未遍。方朔諧太枉。神翰顧不一

體變鍾兼兩。文傳天下口。大字猶在勝。昔獻書畫

圖。新詩亦俱往。滄洲動玉陛。寡鶴誤一響。三絕自

御題。四方尤所仰。嗜酒益疎放。彈琴視天壤。形骸

實土木。親近惟几杖。未曾寄官曹。突兀倚書幌。晚

就芸香閣。胡塵昏垓莽。反覆歸聖朝。點染無滌盪。

老蒙台州椽。泛泛浙江漿。履穿四明雪。飢拾檣溪
 椽。空聞紫芝歌。不見杏壇丈。天長跳東南。秋色餘
 颺颺。別離慘至今。斑白徒懷曩。春深泰山秀。葉墜
 清渭朗。劇談王公門。野稅林下鞅。操紙終夕酣。時
 物集遐想。詞場竟疎闊。平昔濫吹獎。百年見存沒。
 牢落吾安放。蕭條阮咸在。出處同世網。他日訪江
 樓。含悽述飄蕩。原注著作與今秘書監鄭君審篇
 翰齊價謫江陵故有阮咸江樓之
 句

王士正曰百年兄存沒牢落吾安放十字悲甚

故右僕射相國張公九齡

相國生南紀。金璞無畱礦。仙鶴下人間。獨立霜毛
 整。矯然江海思。復與雲路永。寂寞想土階。未遑等
 箕穎。上君白玉堂。倚君金華省。碣石歲崢嶸。天地
 日蛙黷。退食吟大庭。何心記榛梗。骨驚畏曩哲。鬢
 變負人境。雖蒙換蟬冠。右地慙多幸。敢忘二疏歸。
 痛迫蘇耽井。紫綬映暮年。荊州謝所領。庾公興不
 淺。黃霸鎮每靜。賓客引調同。諷詠在務屏。詩罷地
 有餘。篇終語清省。一陽發陰管。淑氣含公鼎。乃知

君子心用才文章境散帙起翠螭倚薄巫廬並綺
麗元暉擁牋誅任昉騁自我一家則未缺隻字警
千秋滄海南名繫朱鳥影歸老守故林戀闕情延
頸波濤良史筆蕪絕大庾嶺向時禮數隔制作難
上請再讀徐孺碑猶思理烟艇

子美八哀自是鉅篇然以韻語作敘述情緒既繁
筆墨不無利鈍大家之文正如黃河之水滔滔莽
莽魚龍砂石與流俱下非如沼沚之觀清冷可喜
而已論此詩者譽之或過其實毀之或損其真惟

盧世灌曰八哀詩未免傷煩傷汎然詩家之元氣
在焉杜詩之體統存焉不可遺亦不容選斯言得
之

劉克莊曰八哀詩崔德符謂可以表裏雅頌中
古作者莫及韓子蒼謂其筆力變化當與太史
公諸贊方駕惟葉石林謂長篇最難晉魏以前
無過十韻常使人以意逆志初不以敘事顛倒
爲工此八篇本非集中高作而世多尊稱不敢
置議其病蓋傷於多如李邕蘇源明篇中多累

句芟去方爲盡善余謂韓比此於史公紀傳固
不易之論至於石林之評累句爲長篇者亦不
可不知

寫懷

勞生共乾坤何處異風俗冉冉自趨競行行見羈
束無貴賤不悲無富貧亦足萬古一骸骨鄰家遞
歌哭鄙夫到巫峽三歲如轉燭全命甘畱滯忘情
任榮辱朝班及暮齒日給還脫粟編蓬石城東採
藥山北谷用心霜雪間不必條蔓綠非關故安排

會是順幽獨達士如弦直小人似鈎曲曲直我不
知負暄候樵牧

貌古心遠見道之言非關矯語

觀公孫大娘弟子舞劍器行并序

大曆二年十月十九日夔府別駕元持宅見臨
穎李十二娘舞劍器壯其蔚跂問其所師曰余
公孫大娘弟子也開元三載余尚童穉記於郾
城觀公孫氏舞劍器渾脫瀏離頓挫獨出冠時
自高頭宜春梨園二伎坊內人洎外供奉曉是

舞者。聖文神武皇帝初。公孫一人而已。玉貌錦
衣。况余白首。今茲弟子。亦非盛顏。既辨其出來。
知波瀾莫二。撫事慷慨。聊爲劍器行。往者吳人。
張旭善草書書帖。數常於鄴縣見公孫大娘舞。
西河劍器。自此草書長進。豪蕩感激。卽公孫可
知矣。

昔有佳人公孫氏。一舞劍器動四方。觀者如山色
沮喪。天地爲之久低昂。燿如羿射九日落。矯如羣
帝驂龍翔。來如雷霆收震怒。罷如江海凝清光。絳

唇珠袖兩寂寞。况有弟子傳芬芳。芳臨穎美人在白
帝。妙舞此曲神揚揚。與余問答既有以。感時撫事
增惋傷。先帝侍女八千人。公孫劍器初第一。五十
年間似反掌。風塵澆洞昏王室。梨園子弟散如烟。
女樂餘姿映寒日。金粟堆南木已拱。瞿唐石城草
蕭瑟。玳筵急管曲復終。樂極哀來月東出。老夫不
知其所往。足爾荒山轉愁疾。

前如山之麟。胸後如海之波瀾。前半極其濃。至後
半感嘆音響。一何悲絃。憲知柱促也。

劉克莊曰此篇與琵琶行一如壯士軒昂赴敵場一如兒女恩怨相爾汝

王嗣奭曰此見舞劍器而傷往事全是為開元天寶五十年間治亂興衰而發

王士正曰陳暘樂書云樂府諸曲自古不用犯聲自則天末年劍器入渾脫為犯聲之始劍器宮調渾脫商調以臣犯君故為犯聲又唐多用解曲如柘枝用渾脫解之類觀此則劍器渾脫各為舞曲之名今人誤讀杜序以渾脫瀏灘頓

挫六字為句文字中往往連綴用之可笑也

同元使君春陵行并序

覽道州元使君結春陵行兼賊退後示官吏作
首志之曰當天子分憂之地效漢官良吏之
目今盜賊未息知民疾苦得結輩十數公落落
然參錯天下為邦伯萬物吐氣天下少安可得
矣不意復見此與體制微婉頓挫之詞感而有
詩增諸卷軸簡知我者不必寄元

遭亂髮盡白轉衰病相嬰沉綿盜賊際狼狽江漢

行歎時藥力薄。爲容羸瘵成。吾人詩家秀。博采世上名。粲粲元道州。前聖畏後生。觀乎春陵作。歛見俊哲情。復覽賊退篇。結也實國楨。賈誼昔流勸。匡衡常引經。道州憂黎庶。詞氣浩縱橫。兩章對秋月。一字偕華星。致君唐虞際。純樸憶大庭。何時降璽書。用爾爲丹青。獄訟永衰息。豈唯偃甲兵。悽惻念誅求。薄斂近休明。乃知正人意。不苟飛長纓。涼飈振南岳。之子寵若驚。色阻金印大。興含滄浪清。我多長卿病。日夕思朝廷。肺枯渴太甚。漂泊公孫城。

呼兒具紙筆。隱几臨軒楹。作詩呻吟內。墨淡字欹傾。感彼危苦詞。庶幾知者聽。

惘惘無華之吏。日計不足。歲計有餘。不肖者橫征暴斂。掊削元氣。爲民蠹賊。古之賢君。所以惓惓於良。二十石也。甫此篇所謂千預教化之尤者。元結二詩仁者之言。可以並垂不朽。

元結春陵行序云。癸卯歲。漫叟授道州刺史。道州舊四萬餘戶。經賊已來。不滿四千。大半不勝賦稅。到官未五十日。承諸使徵求符牒二百餘。

御選唐宋詩序 卷三
封皆日失其限者罪至貶削於戲若悉應其命
則州縣破亂刺史欲焉逃罪若不應命又卽獲
罪戾必不免也吾將守官靜以安人待罪而已
此州是春陵故地故作春陵行以達下情詩曰
軍國多所須切責在有司有司臨郡縣刑法竟
欲施供給豈不憂徵斂又可悲州小經亂亡遺
人實困疲大鄉無十家大族命單羸朝飧是草
根暮食乃樹皮出言氣欲絕意速行步遲追呼
尚不忍况乃鞭朴之郵亭傳急符來往迹相追

更無寬大恩但有迫促期欲令鬻兒女言發恐
亂隨悉使索其家而又無生資聽彼道路言怨
傷誰復知去冬山賊來殺奪幾無遺所願見王
官撫養以惠慈柰何重驅逐不使存活爲安人
天子命符節吾所持州縣忽亂亡得罪復是誰
逋緩違詔令蒙責固所宜前賢重守分惡以禍
福移亦云貴守官不愛能適時顧唯孱弱者正
直當不虧何人採國風吾欲獻此辭又賊退示
官吏序云癸卯歲西原賊入道州殺掠幾盡而

去明年賊又攻永破邵不犯此州邊鄙而退豈
力能制敵蓋蒙其傷憐而已諸使何爲忍苦微
斂故作詩一篇以示官吏詩曰昔歲逢太平山
林二十年泉源在庭戶洞壑當門前井稅有常
期日晏猶得眠忽然遭世變數歲親戎旃今來
典斯郡山夷又紛然城小賊不屠人貧傷可憐
是以陷鄰境此州獨見全使臣將王命豈不如
賊焉今彼徵斂者迫之如火煎誰能絕人命以
作時世賢思欲委符節引竿自刺船將家就魚

菱窮老江湖邊

李潮八分小篆歌

蒼頡鳥跡旣茫昧字體變化如浮雲陳倉石鼓又
已訛大小二篆生八分秦有李斯漢蔡邕中間作
者寂不聞嶧山之碑野火焚棗木傳刻肥失真苦
縣光和尚骨立書貴瘦硬方通神惜哉李蔡不復
得吾甥李湖下筆親尚書韓擇木騎曹蔡有鄰開
元已來數八分湖也奄有二子成三人况湖小篆
逼秦相快劔長戟森相向八分一字直百金蛟龍

盤。拏。肉。屈。強。吳。郡。張。顛。誇。草。書。草。書。非。古。空。雄。壯。
豈。如。吾。甥。不。流。宕。丞。相。中。郎。丈。人。行。巴。東。逢。李。潮。
逾。月。求。我。歌。我。今。衰。老。才。力。薄。潮。乎。潮。乎。柰。汝。何。
論。書。皆。中。肯。紫。坡。老。云。杜。陵。評。書。貴。瘦。硬。此。論。未。
公。吾。不。憑。特。借。作。跌。宕。耳。非。遂。不。許。其。論。也。詩。亦。
瘦。硬。無。比。

聽楊氏歌

佳。人。絕。代。歌。獨。立。發。皓。齒。滿。堂。慘。不。樂。響。下。清。虛。
裏。江。城。帶。素。月。况。乃。清。夜。起。老。大。悲。暮。年。壯。士。淚。

如。水。玉。盃。久。寂。寞。金。管。迷。宮。徵。勿。云。聽。者。疲。愚。智。
心。盡。死。古。來。傑。出。士。豈。待。一。知。已。吾。聞。昔。秦。青。傾。
側。天。下。耳。

荆南兵馬使太常卿趙公大食刀歌

大。常。樓。船。聲。嗷。嘈。問。兵。刮。寇。趨。下。牢。牧。出。令。奔。飛。
百。艘。猛。蛟。突。獸。紛。騰。逃。白。帝。寒。城。駐。錦。袍。元。冬。示。
我。胡。國。刀。壯。士。短。衣。頭。虎。毛。憑。軒。拔。鞘。天。為。高。翻。
風。轉。日。木。怒。號。冰。翼。雪。淡。傷。哀。猱。鐫。錯。碧。鬣。鷗。鶻。
膏。銛。鏑。已。瑩。虛。秋。濤。鬼。物。撇。振。辭。坑。壕。蒼。水。使。者。

捫赤條。龍伯國人罷釣鰲。芮公迴首顏色勞。分闡
救世用賢豪。趙公玉立高歌起。攬環結佩相終始。
萬歲持之護天子。得君亂絲與君理。蜀江如線如
針。水荆岑彈丸心未已。賊臣惡子休千紀。魑魅
魍徒為耳。妖腰亂領敢欣喜。用之不高亦不庠。不
似長劍須天倚。吁嗟光祿英雄弭。大食寶刀聊可
比。丹青宛轉麒麟裏。光芒六合無泥滓。

王嗣奭曰此燕歌行變體布局既新鍊詞特異
所謂驚人之作

王兵馬使二角鷹

悲臺蕭颯石龍嵒。哀壑杈枒浩呼洶。中有萬里之
長江。迴風滔日孤光動。角鷹翻倒壯士臂。將軍主
帳軒勇氣。二鷹猛腦條徐墜。目如愁胡視天地。杉
雞竹兔不自惜。溪虎野羊俱辟易。鞞上鋒稜十二
翻。將軍勇銳與之敵。將軍樹勳起安西。崑崙虞泉
入馬蹄。白羽曾肉三狡獍。敢決豈不與之齊。荆南
芮公得將軍。亦如角鷹下翔雲。惡鳥飛飛啄金屋。
安得爾輩開其羣。驅出六合梟鸞分。

以賦鷹者賦人賓主離合幾於魚龍百變眩人心
自此與前篇皆擺脫恒蹊體格音節蒼然入古

沈德潛曰起四句不著鷹一字然如有角鷹飛
於目前入手須如此著墨

狄明府

梁公會孫我姨弟不見十年官濟濟大賢之後竟
陵遲浩蕩古今同一體比看叔伯四十人有才無
命百僚底今者兄弟一百人幾人卓絕秉周禮在
汝更用文章為長兄白眉復天啓汝門請從曾翁

說太后當朝多巧詆狄公執政在末年濁河終不
污清濟國嗣初將付諸武公獨廷諍守丹陛禁中
決冊請房陵前朝長老皆流涕太宗社稷一朝正
漢官威儀重昭洗時危始識不世才誰謂荼若甘
如薺汝曹又宜列土食身使門戶多旌榮胡為漂
泊岷漢間干謁王侯頗歷抵况乃山高水有波秋
風蕭蕭露泥泥虎之飢下巉岳蛟之橫出清泚早
歸來黃土泥衣眼易昧

浦起龍曰舊說此詩俱以憐狄漂零為解今觀

卷十一 三十三
篇尾一段乃與昌黎送董邵南序同意蓋博濟
必不得志於朝而歷千藩鎮者時河北方多擅
命意頗不喜其往也

秋風二首

秋風淅淅吹巫山上牢下牢修水關吳檣楚柂牽
百丈暖向神都寒未還要路何日罷長戟戰自青
羌連百巒中巴不會消息好暝傳戍鼓長雲間
秋風淅淅吹我衣東流之外西日微天清小城擣
練急石古細路行人稀不知明月爲誰好早晚孤

帆他夜歸會將白髮倚庭樹故園池臺今是非

洗馬言愁淒然可聽

虎牙行

秋風歛吸吹南國天地慘慘無顏色洞庭揚波江
漢迴虎牙鉅柱皆傾側巫峽陰岑朔漠氣峰巒窈
窕谿谷黑杜鵑不來猿狖寒山鬼幽憂雪霜逼楚
老長嗟憶炎瘴三尺角弓兩斛力壁立石城橫塞
起金錯旌竿滿雲直漁陽突騎獵青邱大戎鏖甲
間丹極八荒十年防盜賊征戍誅求寡妻哭遠客

中宵淚霑臆。

後苦寒行二首

南紀巫廬瘴不絕。太古以來無尺雪。蠻夷長老怨
苦寒。崑崙天關凍。應折元猿口。噤不能嘯。白鵠翅
垂眼流血。安得春泥補地裂。

晚來江門失大木。猛風中夜吹白屋。天兵斬斷青
海戎。殺氣南行動。地軸不爾苦寒何太酷。巴東之
峽生凌漸。彼蒼回斡人得知。

節短勢險別成格調

張潛曰命意用筆善於轉換

夜歸

夜來歸來衝虎過。山黑家中已眠臥。傍見北斗向
江低。仰看明星當空大。庭前把燭嗔雨炬。峽口驚
猿聞一箇白頭老。罷舞復歌杖藜不睡誰能那。

醉爲馬陸諸公攜酒相看

甫也諸侯老賓客。罷酒酣歌拓金戟。騎馬忽憶少
年時。散蹄逆落瞿塘石。白帝城門水雲外。低身直
下八千尺。粉蝶電轉紫遊韁。東得平岡出天壁。江

村野堂爭入眼。垂鞭鞞鞞凌紫陌。向來皓首驚萬人。自倚紅顏能騎射。安知決臆追風足。朱汗驂驪猶噴玉。不虞一蹶終損傷。人生快意多所辱。職當憂戚伏衾枕。况乃遲暮加煩促。朋知來問腆我顏。杖藜強起依僮僕。語盡還成開口笑。提携別掃清谿曲。酒肉如山又一時。初筵哀絲動豪竹。共指西日不相貸。喧呼且覆杯中滌。何必走馬來為問。君不見嵇康養生遭殺戮。

前有聲色後饒情致一敘一解老氣無比

大覺高僧蘭若

原注和尚去冬往湖南

巫山不見廬山遠。松林蘭若秋風晚。一老猶鳴日暮鐘。諸僧尚乞齋時飯。香鑪峯色隱晴湖。種杏仙家近白榆。飛錫去年啼邑子。獻花何日許門徒。

風調清適頗似摩詰

宿青溪驛奉懷張員外十五兄之緒

漾舟千山內。日入泊在渚。我生本飄飄。今復在何許。石根青楓林。猿鳥聚儔侶。月明游子靜。畏虎不得語。中夜懷友朋。乾坤此深阻。浩蕩前後間。佳期

付荆楚。

黃生曰此詩在杜集已爲輕秀之作較諸唐賢猶見氣骨

憶昔行

憶昔北尋小有洞。洪河怒濤過輕舸。辛勤不見華蓋君。良岑青輝慘么麼。千崖無人萬壑靜。三步回頭五步坐。秋山眼冷魂未歸。仙賞心違淚交墮。弟子誰依白茅室。盧老獨啓青銅鎖。巾拂香餘搗藥塵。階除灰死燒丹火。元圃滄洲莽空闊。金節羽衣

飄婀娜。落日初霞閃餘映。倏忽東西無不可。松風礮水聲合時。青兕黃熊啼向我。徒然咨嗟無遺迹。至今夢想仍猶左。秘訣隱文須內教。晚歲何功使願果。更討衡陽董鍊師。南浮早鼓瀟湘柂。

魏將軍歌

將軍昔著從事衫。鐵馬馳突重兩銜。被堅執銳畧西極。崑崙月窟東嶄巖。君門羽林萬猛士。惡若哮虎子所監。五年起家列霜戟。一日過海收風帆。平生流輩徒蠢蠢。長安少年氣欲盡。魏侯骨聳精爽

御選唐詩評卷三
三
緊華嶽峰尖見秋隼星纏寶枝金盤陔夜騎天駟
超天河櫂槍熒惑不敢動翠蕤雲旂相蕩摩吾爲
于起歌都護酒闌插劍肝膽露鈞陳蒼蒼風元武
萬歲千秋奉明主臨江節士安足數

精緊廉悍自是子美盛年之作

仇北鰲曰前用八句轉韻中間各四句轉末則
三句兩句疊韻蓋歌中音調取其繁聲促節也

北風

北風破南極朱鳳日威垂洞庭秋欲雪鴻雁將安

歸十年殺氣盛六合人烟稀吾慕漢初老時清猶
茹芝

白鳧行

君不見黃鵠高於五尺童化爲白鳧似老翁故畦
遺穗已蕩盡天寒歲暮波濤中鱗介腥羶素不食
終日忍飢西復東魯門鷄鵠亦蹭蹬聞道如今猶
避風

託寄悱惻

董斯張曰魯門爰居隱然有不饗太牢不樂鐘

鼓之態此老倔彊百折不同

醉歌行贈公安顏少府請顧八題壁

神仙中人不易得。顏氏之子才孤標。天馬長鳴待
駕馭。秋鷹整翮當雲霄。君不見東吳顧文學。君不
見西漢杜陵老。詩家筆勢君不嫌。詞翰升堂為君
掃。是日霜風凍七澤。烏蠻落照銜赤壁。酒酣耳熱
忘頭白。感君意氣無所惜。一為歌行歌主客。

偶然酬應必挾奇氣而出隨筆所至皆臻妙境

夜聞簷簾

六合人賦蘇晉莫測

夜聞簷簾滄江上。衰年側耳情所嚮。鄰舟一聽多
感傷。塞曲三更歛悲壯。積雪飛霜此夜寒。孤燈急
管復風湍。君知天地干戈滿。不見江湖行路難。

發劉郎浦

挂帆早發劉郎浦。疾風颯颯昏亭午。舟中無日不
沙塵。岸上空村盡豺虎。十日北風風未迴。客行歲
晚晚相催。白頭厭伴漁人宿。黃帽青鞋歸去來。

別董頰

窮冬急風水逆浪。開帆難。士子甘旨闕。不知道里

御選唐宋詩集 卷三 浦別董頴
寒有求彼樂土南適小長安別我舟楫去覺君衣
裳單素聞趙公節兼盡賓主歡已結門廬望無令
霜雪殘老夫纜亦解脫粟朝未餐飄蕩兵甲際幾
時懷抱寬漢陽頗寧靜峴首試考槃當念著白帽
采薇青雲端

情意稠疊深得贈言之義

送顧八分文學適洪吉州

中郎石經後八分蓋憔悴顧侯運鑪錘筆力破餘
地昔在開元中韓蔡同龔屬元宗妙其書是以數

子至御札早流傳揄揚非造次三人並入直恩澤
各不二顧於韓蔡內辨眼工小字分日示諸王鈞
深法更秘文學與我遊蕭疎外聲利追隨二十載
浩蕩長安醉高歌卿相宅文翰飛省寺視我楊馬
問白首不相棄驂駟入窮巷必脫黃金轡一論朋
友難遲暮敢失墜古來事反覆相見橫涕泗嚮者
玉珂人誰是青雲器才盡傷形體病渴汗官位故
舊獨依然時危話顛躓我甘多病老子負憂世志
胡爲困衣食顏色少稱遂遠作辛苦行順從衆多

意舟楫無根蒂。蛟鼉好爲祟。况兼水賊繁。特戒風
颺駛。崩騰戎馬際。往往殺長吏。子干東諸侯。勸勉
防縱恣。邦以民爲本。魚飢費香餌。請哀瘡痍深。告
訴皇華使。使臣精所擇。進德知歷試。惻隱誅求情。
固應賢愚異。烈士惡苟得。俊傑思自致。贈子猛虎
行。出郊載酸鼻。
振筆直書縱橫。厯落行乎其所當行。止乎其所不
得。不止詩境至此亦從心不踰矩時也。
王嗣奭曰全篇無一字虛飾可以知其相與之

情而愛民之真懇規友之直諒又兩見之矣

遣遇

馨折辭主人。開帆駕洪濤。春水滿南國。朱崖雲日
高。舟子廢寢食。飄風爭所操。我行匪利涉。謝爾從
者勞。石間采蕨女。鬻菜輸官曹。丈夫死百役。暮返
空村號。聞見事略同。刻剝及錐刀。貴人豈不仁。視
汝如莠蒿。索錢多門戶。喪亂紛嗷嗷。柰何黠吏徒。
漁奪成逋逃。自喜遂生理。花時甘緼袍。

解憂

御選唐詩卷三
減米散同舟路難思共濟向來雲濤盤衆力亦不
細呀坑瞥眼過飛檣本無蒂得失瞬息間致遠宜
恐泥百慮視安危分明曩賢計茲理庶可廣拳拳
期勿替

出險思懼真更事之言

宿鑿石浦

早宿賓從勞仲春江山麗飄風過無時舟楫敢不
繫回塘澹暮色日沒衆星嘒缺月殊未生青燈死
分翳窮途多俊異亂世少恩惠鄙夫亦放蕩草草

頻卒歲斯文憂患餘聖哲垂彖繫

過津口

南岳自茲近湘流東逝深和風引桂楫春日漲雲
岑回首過津口而多楓樹林白魚困密網黃鳥喧
嘉音物微限通塞惻隱仁者心瓮餘不盡酒膝有
無聲琴聖賢兩寂寞眇眇獨開襟

紀行諸詩一片老境有如天降時雨山川出雲木
葉盡脫石氣自青視入蜀詩別一境界盡渾用力
之迹而臻於化矣

次空靈岸

沄沄逆素浪。落落展清眺。幸有舟楫遲。得盡所歷妙。
 空靈霞石峻。楓枯隱奔峭。青春猶無私。白日亦偏照。
 可使營吾居。終焉託長嘯。毒瘴未足憂。兵戈滿邊徼。
 嚮者留遺恨。恥為達人誚。迴帆覬賞延。佳處領其要。

宿花石戍

午辭空靈岑。夕得花石戍。岸疏開闢水。木雜今古樹。
 地蒸南風盛。春熱西日暮。四序本平分。氣候何

迴互茫茫天。造閭理亂豈恒數。繫舟盤藤輪策杖。
 古樵路罷人不在。村野圃泉自注柴扉。雖蕪沒農器。
 尚牢固。山東殘逆氣。吳楚守王度。誰能扣君門。下令減征賦。

體兼鮑謝義入風詩

望嶽

南嶽配朱鳥。秩禮自百王。歛吸領地靈。鴻洞半炎方。
 邦家用祀典。在德非馨香。巡守何寂寥。有虞今則亡。
 洎吾隘世綱。行邁越瀟湘。渴日絕壁出。漾舟

清光旁。祝融五峰尊。峰峰次低昂。紫蓋獨不朝。爭
長。巖相望。恭聞魏夫人。羣仙夾翱翔。有時五峰氣
散。風如飛。霜牽迫。限修途。未暇杖崇岡。歸來覬命
駕。沐浴休玉堂。三歎問府主。曷以贊我皇。牲璧忍
衰俗。神其思降祥。

岱華二詩筆意峭拔各極其變此則另闢一格出
以典重以明德惟馨之意勗勵守土尤有立言之
旨非徒得郊壇登歌氣象
沈德潛曰靈光縹緲氣象肅穆漢人練時日帝

臨諸章是此詩原本

岳麓山道林二寺行

玉泉之南麓山殊。道林林壑爭盤紆。寺門高開洞
庭野。殿脚插入赤沙湖。五月寒風冷佛骨。六時天
樂朝香爐。地靈步步雪山草。僧寶人人滄海珠。塔
劫宮牆壯麗敵。香廚松道清涼俱。蓮花交響共命
鳥。金榜雙迴三足烏。方丈涉海費時節。元圃尋河
知有無。暮年且喜經行近。春日兼蒙暄暖扶。飄然
斑白身奚適。傍此烟霞茅可誅。桃源人家易制度。

橘洲田土仍膏腴。潭府邑中甚淳古。太守庭內不
喧呼。昔遭衰世皆晦迹。今幸樂國養微軀。依止老
宿亦未晚。富貴功名焉足圖。久為野客尋幽慣。細
學何顓免興孤。一重一掩吾肺腑。山鳥山花吾友
于。宋公放逐曾題壁。物色分畱與老夫。

掛比綿麗

王王嗣爽曰全篇一氣杼寫如珠走盤

歲晏行

歲云暮矣多北風。瀟湘洞庭白雪中。漁夫天寒網

罟凍。莫徭射雁鳴。桑弓去年米貴闕軍食。今年米
賤大傷農。高馬達官厭酒肉。此輩杼軸茅茨空。楚
人重魚不重鳥。汝休枉殺南飛鴻。况聞處處鬻男
女。割慈忍愛還租庸。往日日用錢捉私鑄。今許鉛錫
和青銅。刻泥為之最易得。好惡不合長相蒙。萬國
城頭吹畫角。此曲哀怨何時終。

薛哀鴈而彌長其氣之老正在參錯中

追酬故高蜀州人日見寄并序

閱文書帙中檢所遺忘。因得故高常侍適往居

在成都時高任蜀州刺史人日相憶見寄詩淚
灑行間讀終篇末自枉詩已十餘年莫記存沒
又六七年矣老病懷舊生意可知今海內忘形
故人獨漢中王瑀與昭州敬使君超先在愛而
不見情見乎辭大厯五年正月二十一日卻追
酬高公此作因寄王及敬弟

自蒙蜀州人日作不意清詩久零落今晨散帙眼
忽開迸淚幽吟事如昨嗚呼壯士多慷慨合沓高
名動寥廓歎我悽悽求友篇感時鬱鬱匡君略錦

里春光空爛漫瑤墀侍臣已冥冥瀟湘水國傍龍
鼉鄂杜秋天失鵬鸞東西南北更誰論白首扁舟
病獨存遙拱北辰纏寇盜欲傾東海洗乾坤邊塞
西蕃最充斥衣冠南渡多崩奔鼓瑟至今悲帝子
曳裾何處覓王門文章曹植波瀾闊服食劉安德
業尊長笛誰能亂愁思昭州詞翰與招魂

蘇大侍御訪江浦賦入韻紀異 并序

蘇大侍御渙靜者也旅於江側凡是不交州府
之客人事都絕久矣肩輿江浦忽訪老夫舟楫

而已。茶酒內。余請誦近詩。肯吟數首。才力素壯。詞句動人。接對明日。憶其湧思雷出。書篋几杖之外。殷殷留金石聲。賦入韻記異。亦見老夫傾倒於蘇至矣。

龐公不浪出。蘇氏今有之。再聞誦新作。突過黃初。詩乾坤幾反覆。楊馬宜同時。今晨清鏡中。勝食齋房芝。余髮喜卻變。白間生黑絲。昨夜舟火滅。湘娥簾外悲。百靈未敢散。風破寒江遲。

結語奇妙耐人百味

仇兆鼂曰詩止七韻而題云八韻用韻取耦不取奇也

孫光憲曰渙有變律詩十九首上廣帥李公唐人謂渙詩長於諷刺得陳拾遺一鱗牛甲後以作亂伏誅

題衡山縣文宣王廟新學堂呈陸宰

旄頭彗紫微。無復俎豆事。金甲相排蕩。青衿一憔悴。嗚呼已十年。儒服弊於地。征夫不遑息。學者淪素志。我行洞庭野。歎得文翁肆。僦僦胄子行。若舞

風。雩。至。周。室。宜。中。興。孔。門。未。應。棄。是。以。資。雅。才。渙。
 然。立。新。意。衡。山。雖。小。邑。首。唱。恢。大。義。因。見。縣。尹。心。
 根。源。舊。宮。闕。講。堂。非。曩。構。大。屋。加。塗。墜。下。可。容。百。
 人。牆。隅。亦。深。邃。何。必。三。千。徒。始。歷。戎。馬。氣。林。木。在。
 庭。戶。密。幹。疊。蒼。翠。有。井。朱。夏。時。輓。轡。凍。階。凡。耳。聞。
 讀。書。聲。殺。伐。災。髣。髴。故。國。延。歸。望。衰。顏。減。愁。思。南。
 紀。改。波。瀾。西。河。共。風。味。采。詩。倦。跋。涉。載。筆。尚。可。紀。
 高。歌。激。宇。宙。凡。百。慎。失。墜。

氣體肅穆便可作此邑修學記

何焯曰感慨頓挫自成有韻之文

